



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

**Odbor za javna priznanja  
Kantona Sarajevo**

Broj:01-04-1503-6/26  
Sarajevo, 08.04.2026.godina


**SKUPŠTINA KANTONA SARAJEVO**  
n/r Sekretara

PREDMET: Odluke Odbora za javna priznanja Kantona Sarajevo -dostavljaju se.

Poštovana,

U prilogu ovog akta dostavljamo Vam Odluke o dodjeli javnih priznanja Kantona Sarajevo, koje verifikuje Skupština u skladu sa članom 6. Zakona o javnim priznanjima Kantona Sarajevo.

S poštovanjem.



**PREDSJEDAVAJUĆI ODBORA**

**Elvedin Okerić**

Prilog: Odluke Odbora za javna priznanja sa obrazloženjima (15x)



Bosnia and Herzegovina  
Federation of Bosnia and Herzegovina

CANTON SARAJEVO  
ASSEMBLY

**Odbor za javna priznanja  
Kantona Sarajevo**

Broj: 01-04-1503-5/26  
Sarajevo, 7.04.2026. godina

Na osnovu člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novih prečišćeni tekst"), Odbor za javna priznanja Kantona Sarajevo, na sjednici održanoj dana 7.04.2026. godine, donio je jednoglasno

**ODLUKU  
O PROGLAŠENJU POČASNOG GRAĐANINA  
KANTONA SARAJEVO**

**I**

**Irfan Mirza**, proglašava se Počasnim građaninom Kantona Sarajevo zbog humanitarnog doprinosa tokom odbrane Sarajeva i Bosne i Hercegovine od agresije, za višedecenijsku promociju Sarajeva i Bosne i Hercegovine na međunarodnom nivou, te dugogodišnji iscrpan istraživački rad o Bosni i Hercegovini u oblasti historije.

**II**

Počasnom građaninu dodjeljuje se Povelja Kantona Sarajevo.

**III**

Ova odluka dostavlja se Skupštini Kantona Sarajevo na verifikaciju.



**PREDSJEDAVAJUĆI ODBORA**

**Elvedin Okerić**



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj:2/10), Skupština Kantona Sarajevo na sjednici održanoj dana , donijela je

PRIJEDLOG

**ODLUKU**

**O VERIFIKACIJI ODLUKE O PROGLAŠENJU POČASNOG GRAĐANINA  
KANTONA SARAJEVO**

I

Skupština Kantona Sarajevo verifikuje Odluku o proglašenju Počasnog građanina Kantona Sarajevo, **Irfan Mirza**.

II

Odluka o proglašenju Počasnog građanina Kantona Sarajevo, donesena je zbog humanitarnog doprinosa tokom odbrane Sarajeva i Bosne i Hercegovine od agresije, za višedecenijsku promociju Sarajeva i Bosne i Hercegovine na međunarodnom nivou, te dugogodišnji iscrpan istraživački rad o Bosni i Hercegovini u oblasti historije.

III

Ova odluka objavit će se u “Službenim novinama Kantona Sarajevo”.

Broj:

**SARAJEVO**

**PREDSJEDAVAJUĆI  
SKUPŠTINE KANTONA SARAJEVO**

**Elvedin Okerić**



Rusmir Pobrić  
Zastupnik u Skupštini Kantona Sarajevo

Odbor za dodjelu javnih priznanja KS  
n/r Sekretara i članova Odbora

**PREDMET: INICIJATIVA ZA DODJELU JAVNOG PRIZNANJA ZA POČASNOG GRAĐANINA  
KS ZA 2025. GODINU (POVELJA KANTONA) IRFANU MIRZI (SAD)**

Dostavljam Vam inicijativu za dodjelu Povelje Kantona Sarajevo za počasnog građanina Kantona Sarajevo Irfanu Mirzi (Sjedinjene Američke Države), kao priznanja za **humanitarni doprinos tokom odbrane Sarajeva i Bosne i Hercegovine od agresije, za višedecenijsku promociju Sarajeva i Bosne i Hercegovine na međunarodnom polju, za dugogodišnji iscrpan istraživački rad o Bosni i Hercegovini u oblasti historije, kao i aktivnom radu s novim generacijama Bosanaca i Hercegovaca u SAD-u u oblasti razvoja i liderstva.**

Irfan Mirza je višedecenijski stručnjak u oblasti informacionih tehnologija, visokopozicionirani rukovodilac u planetarno čuvenoj i zastupljenoj kompaniji **Microsoft**, koji je proteklih godina vršio **neke od najviših direktorskih funkcija** u tom svjetskom privrednom gigantu, u oblasti inovacija, razvoja, istraživanja, integracije podataka, regulatornoj usklađenosti poslovanja i dr.

Povod inicijative za dodjelu priznanja Irfanu Mirzi je višestruk, nastojat ću sažeti ga u tri tačke:

1. **Humanitarni rad u ratu:** Irfan Mirza je u našu zemlju i Sarajevo stigao u jeku rata. Od samog početka (od aprila 1992. godine) učestvovao je u dopremanju humanitarne pomoći za Bosnu i Hercegovinu i u pomoći izbjeglicama iz Bosne i Hercegovine u izbjegličkim kampovima van nje. U ovoj časnoj misiji ostao je dvije godine.

2. **Autorski rad u postratnom periodu:** U postratnom periodu Irfan Mirza je nastavio svoju posvećenost Bosni i Hercegovini. Postao je vjerni bh. ambasador, promoviše naše kulturno-historijske znamenitosti i prirodna bogatstva. Postao je izuzetan poznavalac historije Bosne i Hercegovine kroz dugogodišnji naučno-istraživački rad, što je potvrdio s **dvije knjige koje je napisao:**

- „Historija Bosne i Hercegovine“
- "Osnove za razumijevanje genocida u Bosni i Hercegovini".

3. **Obrazovanje novih bh. generacija u dijaspori:** Zajedno sa svojom suprugom dobrovoljno je angažiran u projektima **Bosansko-američkog instituta** (Bosnian American Institute - BAI). **Predsjedavajući** je grupe za obrazovanje. Mlade Bosance i Hercegovce u SAD-u podučava liderstvu i strateškom planiranju, s ciljem da budu osposobljeni, učinkoviti zastupnici Bosne i Hercegovine i svojih zajednica. Rad Instituta baziran je na obrazovanju o genocidu s ciljem preveniranja njegovog ponavljanja, zatim

obrazovanju o historiji, kulturi i tradiciji BiH, potom načinima očuvanja bh, kulture i tradicije, te radu s omladinom.

Irfan Mirza je po rođenju Indijac, sa dugogodišnjom američkom adresom. Oženjen je bosankom, Vakufjankom Sabinom Šutković, s kojom ima troje djece.

Citati:

*„Proveo sam dvije godine pretrčavajući frontove, provlačeći se kroz neprijateljske punktove, koordinirajući humanitarne napore nevladinih organizacija, dostavljajući pomoć koju drugi nisu mogli dostaviti. Imao sam priliku gledati rat svaki dan. Fotografirao sam i dokumentirao svoja iskustva. Koristio sam ono što sam naučio od rata kako bih dizao svijest i tražio pomoć od vlada ...“*

*„Postoje generacije novih lidera koji se trenutno formiraju u inostranstvu. Rat je možda odveo njih iz Bosne i Hercegovine, ali ništa ne može odnijeti Bosnu i Hercegovinu iz njih samih. Njihov genetski kod vratit će ih kući. Historija nam pokazuje da se to desilo prije ... ja sam uvjeren da će se to desiti ponovo.“*

(Irfan Mirza)

Sarajevo, 23.03.2026.g.

  
Rusmir Pobric